

MÍÐVIKUDAGUR 26. SEPTEMBER 2012

SVANURINN

FYRIR UMHVERFIÐ & HEILSUNA

Kynningarblað Umhverfisvan Siv,
fleiri flokka til endurvinnslu, traustur Svanur





FYRSTA SVANSVOTTAÐA VEITINGAHÚSIÐ

„Hér leggjast allir á eitt og hafa gaman af enda góð tilfinning að hlúa að umhverfi okkar og bjóða aðeins það besta, grænasta og hollasta úr náttúrunni,“ segir **Guðríður María Jóhannesdóttir** framkvæmdastjóri veitingahússins Nauthóls.

„Með Svansvottun tókum við samfélagslega ábyrgð og skref í átt að eðlilegri framtíðarþróun, ásamt sjálfsagðri skyldu gagnvart umhverfinu, starfsfólki okkar og viðskiptavinum.“

VELDU GRÆNT MEÐ OLÍS

Olís býður upp á mikið úrval af Svansvottuðum vörum. „Í Svansvottuðu línunum okkur erum við með allt sem þarf til þrifa og erum stöðugt að vinna í því að bæta við meira og meira af vörum,“ segir Eggert Bjarnason, sölu- og þjónusturáðgjafi heildsölu- og rekstrarvörudeildar. „Við eigum núna til allt sem þarf til þess að sinna öllum fyrirtækjum, stofnunum og sveitarfélögum. Við bjóðum upp á heildarlausnir fyrir alla þessa aðila.“

Eggert segir mikla aukningu vera í sölu á umhverfisvottuðum vörum. „Markaðurinn hefur verið að kalla eftir þessum vörum í auknum mæli og við erum að bregðast við þeirri kröfu.“

Eggert Bjarnason, sölu- og þjónusturáðgjafi heildsölu- og rekstrarvörudeildar.

Meðvituð um umhverfið

Siv Friðleifsdóttir alþingismaður hefur verið ötull talsmaður umhverfisvænna hluta. Hún segir Svaninn hafa mikla þýðingu fyrir sig.

Ég þekki vel til Svansmerkisins og mér er kunnugt um að almenningur gerir það líka. Þetta merki er búið að skapa sér sess, enda fyrsta merki sinnar tegundar. Ég vel Svansmerktar vörur vegna þess að þá veit ég fyrir víst að þær eru umhverfisvænni en aðrar sambærilegar vörur,“ segir Siv.

„Mig minnir að Svanurinn sé fyrsta merki sinnar tegundar sem er án landamæra. Norræna skráargatið er hins vegar fyrsta hollustumerkið sem fer yfir landamæri í matvælaíðnaði. Norðurlöndin öll hafa notað þessi merki og sama hugmyndafræðin er á bak við þau. Þetta eru umhverfisvænar vörur sem standast gæðavottun,“ segir Siv enn fremur.

„Ég reyni að vera umhverfisvæn og þegar ég sé Svansmerktar vörur tek ég hana fram yfir aðrar. Ég treysti þessu merki, enda áreiðanleiki á bak við það. Ég hef flokkað til endurvinnslu í gegnum árin og fer reglulega í Sorpu. Ég fer alltaf með dagblöð í þar til gerða gáma og flöskur og gler í endurvinnslu. Þar fyrir utan hef ég farið með öll fót sem ég er hætt að nota til Hjálpræðishersins og vona að þau endurnýtist með þeim hætti.“



Siv Friðleifsdóttir alþingismaður velur umhverfisvottaðar vörur.

Ég treysti þessu merki, enda er áreiðanleiki á bakvið það.

Ég hef lengi verið meðvituð um umhverfisvernd og tel að flestir Íslendingar séu það. Að minnsta kosti hefur orðið mikil viðhorfsbreyting í samfélaginu á undanförunum árum.“

Siv var flutningsmaður þingsályktunar um að Norræna skráargatið yrði tekið upp hér á landi. Sú tillaga var samþykkt í þinginu sem frumvarp en Siv segist ekki

vita hvort búið sé að koma upp því eftirlitskerfi sem sé nauðsynlegt í framhaldinu.

„Ég er líka flutningsmaður þess að svokallaður broskarl verði tekinn upp hér á landi. Það er gæðamerki fyrir veitingahús og aðra matsölustaði að danskri fyrirmynd. Ef veitingahúsið stenst þau heilbrigðisviðmið sem merkið býður upp á fær það broskarl. Viðskiptavinurinn getur treyst því að veitingahús með broskarl sé með hreinlæti og aðra hluti í lagi. Broskarlinn hefur ekki enn verið samþykktur á Alþingi en ég vonast til að svo verði. Broskarlinn er hvetjandi fyrir veitingamenn,“ segir Siv sem ætlar að kveðja Alþingi í vor.

Hreinlætisvörur

fyrir fyrirtæki og stofnanir

TANDUR

-þegar hreinlæti skiptir máli



TASKI by Diversey

- Úrval hágæða gólfþvottavéla
- Öflug viðgerða- og varahlutapjónusta



HVAÐ ER SVANSMERKI?

Svansmerkinu er ætlað að leiðbeina norrænum neytendum og innkaupafólki hjá fyrirtækjum þannig að þeim gefist raunverulegur kostur á að kaupa umhverfisvæna vöru og á þann hátt leggja sitt af mörkum við að bæta umhverfið. Jafnframt er markmiðið að hvetja framleiðendur til að framleiða umhverfisvænar vörur. Í dag eru um 60 mismunandi skilyrði og fjöldi leyfishafa eykst stöðugt. Alls hafa verið gefin út um 2010 leyfi fyrir meira en 6000 vörur. Svansmerkið er opinbert umhverfismerki Norðurlanda. Markmiðið er valfrjálst norrænt umhverfismerki, sem stuðlar að því að minnka það álag sem dagleg neysla veldur umhverfinu. Starfsmenn Svansmerkisins kanna umhverfisáhrif tiltekinna vöru og þjónustu í gegnum allan feril hennar frá hráefni til úrgangs. Gerðar eru strangar loftslags- og umhverfiskröfur en einnig kröfur um notagildi og gæði.

Útgefandi: 365 miðlar ehf., Skaftahlíð 24, s. 512 5000 | Umsjónarmenn auglýsinga: Elsa Jensdóttir elsaj@365.is sími 512 5427
Ábyrgðarmaður: Jón Laufdal.

Svanurinn var punkturinn yfir i-ið

ISS Ísland var fjórða fyrirtækið á Íslandi til að hljóta umhverfsvottunina Svaninn og um leið fyrsta fyrirtækið innan ISS/AS samsteypunnar. Umhverfismál hafa verið stór þáttur í rekstri fyrirtækisins í 30 ár.

Ræstingarsvið ISS Íslands fékk norrænu umhverfsvottunina Svaninn árið 2009. ISS Ísland, sem er í eigu ISS/AS, varð fyrst fyrirtækja innan samsteypunnar til að fá slíka vottun en ISS/AS er alþjóðlegt fyrirtæki með starfsemi í yfir fimmtíu löndum. Guðmundur Guðmundsson, framkvæmdastjóri ISS Íslands, segir að þrátt fyrir Svansvottunina árið 2009 eigi fyrirtækið sér langa sögu þegar kemur að umhverfismálum. „Við höfum starfað á þessum markaði hérlandis í þrjátíu ár og höfum alltaf verið mjög meðvitað um umhverfismál. Við vorum fyrsta fyrirtækið innan samsteypunnar til að hljóta Svaninn en ISS/AS er líka mjög meðvitað um umhverfisvernd.“ Hann nefnir sem dæmi að frá og með haustinu sé verið að keyra sérstakt átak hjá öllum fyrirtækjum samsteypunnar undir nafninu ISS Global Environmental Campaign 2012. „Þar verður lögð áhersla á þrjá meginþætti. Í fyrsta lagi er hugað að orkunýtingu. Í öðru lagi að affalli og sorpi og hvernig hægt er að meðhöndla það rétt og flokka en fyrst og fremst þó að minnka það. Í þriðja lagi snýr atakið að betri nýtingu vatns og hvernig fyrirtækin geta farið sparlega með þessa takmörkuðu auðlind.“

Minna magn efnis

Guðmundur segir mjög margt hafa breyst til betri vegar á síðustu þrjátíu árum í rekstri fyrirtækisins. „Í dag notum við til dæmis um 15% af þeim efnum sem áður voru notuð á hverja unna klukkustund. Ef við tökum bara það efnismagn sem við höfum spar-

að á síðustu 20-25 árum erum við að tala um jafn mikið magn og gæti fyllt hitaveitutankana á Grafarholti. Þessi efni hefðu að öðrum kosti farið út í umhverfið. Við höfum því náð miklum árangri og Svansvottunin var því nokkurs konar punktur yfir i-ið hjá okkur. Þrátt fyrir það hefur ýmislegt breyst í rekstri okkar með tilkomu Svansvottunarinnar, þá sérstaklega varðandi skráningar, eftirfylgni og eftirlit. Þannig má segja að með viðtöku Svansins hafi allt smolið betur saman í formlegra kerfi hjá okkur, sérstaklega það sem snýr að samanburði, og eftirfylgnin varð mun markvissari.“

„Í dag notum við um 15% af þeim efnum sem áður voru notuð“

Vatnsnotkun minnkað mikið

Vegna umhverfisstefnu ISS og Svansvottunar er ISS Ísland farið að nota allt önnur efni við þrif og ræstingar en í árdaga fyrirtækisins. „Við gerum skýran greinarmun á hreingerningarefnum og ræstingarefnum. Ræstingarefni eru mildari, vinna með og vernda yfirborðsflötinn en hreingerningarefni eru virkari efni, geta brotið niður flötinn og vinna hratt á stuttum tíma.“ Stærsta breytingin er þó að sögn Guðmundar að vatnsnotkun hefur minnkað. „Áður fyrr var verið að blautþvo allt. Núna erum við hætt að vera með vatn í vögnum heldur fær starfs-



Guðmundur Guðmundsson, framkvæmdastjóri ISS, en fyrirtækið hefur umhverfsvottun Svansins.

MYND/GVA

fólk okkar moppur með réttu rakastigi sem duga á ákveðinn fermetrafjölda. Svo er náð í nýja moppu með réttu rakastigi og mildum hreinsilegi. Það þýðir að starfsmenn okkar eru hættir að burðast með vatn og ná í nýtt vatn o.s.frv. Fyrir utan að tæki og tól og áhöld eru miklu notendavænni en þau voru hér áður fyrr.“

Að sama skapi hafa viðskipti við birgja breyst. „Í dag höfum við færri og stærri birgja og þeir hafa auðvitað þurft að svara kröfum okkar. Það er ánægjulegt að segja frá því að þeir hafa staðið sig mjög vel í þessum málum. Stærsti birgirinn okkar í dag er Tandur sem hefur staðið sig mjög vel enda mikil fagþekking á þeim bænum.“



“Ég leysi málin með umhverfið í huga”

Ég þekki þarfir viðskiptavinarins í mínu fyrirtæki

Með allt á hreinu

Ræstingarsvið ISS er Svansvottað sem tryggir fyrirtækjum, stofnunum og sveitarfélögum gæðaþjónustu, sem er vistvænni í framkvæmd.

Með því að velja umhverfsvottaða þjónustu stuðla viðskiptavinir okkar að sjálfbærri þróun samfélagsins þar sem komandi kynslóðir hafa jafna möguleika og við til að mæta þörfum sínum.

Vertu í hópi öruggra og ánægðra viðskiptavina. Láttu okkur leysa málin - www.iss.is

A World of Service





NEUTRAL SLÆR TVÆR FLUGUR Í EINU HÖGGI

„Neutral-vörurnar hafa algjöra sérstöðu þegar kemur að gæðum og virkni um leið og þær eru sérlega mildar og grænar,” segir Guðrún Húnfjörð, vörumerkjastjóri hjá Nathan & Olsen. Fyrirtækið flytur inn umhverfisvænar hreinlætis- og húðvörur frá Neutral sem Íslendingum eru að góðu kunnar.

„Langtæstur hluti Neutral-línunnar ber norræna Svansmerkið. Það auðveldar viðskiptavinum að hugsa vel um umhverfið – án þess að slá af kröfum sínum um gæði, virkni og vellíðan,” segir Guðrún.

Svanurinn vinsæll hjá þjónustufyrirtækjum

Í dag er 21 íslenskt fyrirtæki með Svansvottun. Nær öll fyrirtækin eru þjónustufyrirtæki. Fyrirtækið Undri úr Reykjanesbæ, sem framleiðir iðnaðarhreinsi og penslasápur, er það eina sem hefur fengið vottun fyrir vörur. Elva Rakel Jónsdóttir, sérfræðingur hjá Umhverfisstofnun, segir Ísland skera sig mjög úr að þessu leyti samanborið við hin Norðurlöndin. „Við erum ekki mikið vöruframleiðsluland og þetta hlutfall endurspeglar því ágætlega markaðinn hérlandis. Hér er mikið af þjónustufyrirtækjum og við flytjum mikið inn af vörum.“ Fyrirtæki sem sækja um Svansvottun fá alltaf vottun á einstakar vörur eða þjónustu. Þrátt fyrir að einungis hafi verið vottaðar vörur frá einu íslensku fyrirtæki eru nokkrar slíkar umsóknir í ferli hjá Umhverfisstofnun. „Á þessu stigi eru umsóknirnar trúnaðarmál og ekki hægt að greina mikið frá innihaldi þeirra en það verður gaman að fylgjast með þróuninni á næstu árum enda spennandi vöruflokkar að detta inn.“



Atvinnugreinar eru misduglegar að sækja um Svansvottun og segir Elva umsóknir koma í litlum bylgjum. „Svanurinn er orðinn mjög vinsæll í ákveðnum þjónustuflokkum þar sem einn ríður á vaðið og aðrir fylgja í kjölfarið. Þar má nefna að prentsmiðjur, ræstingafyrirtæki og hótél hafa verið dugleg að sækja um Svaninn. Þessi snjóboltaáhrif ráðast líklega af eftirspurn og því að menn þurfa að koma auga á möguleikana og sjá kosti þess að vera með vottun. Svanurinn er líka eins konar gæðakerfi og gagnast því fyrirtækjum á margvíslegan hátt. Neytendur kalla í auknum mæli eftir að unnið sé að umhverfismálum og Svanurinn er afbragðs leið til að miðla ágæti vörunnar eða þjónustunnar.“

Margar innfluttar Svansvottaðar vörur er á boðstólnum hérlandis að sögn Elvu. „Svanurinn er orðinn mjög sterkt og þekkt vörumerki á Íslandi og innflutningur á merktum vörum er sífellt að aukast. Á Norðurlöndunum má meðal annars sjá mikla vakningu meðal snyrtivöruframleiðanda sem tengist aukinni áherslu neytenda á að velja eiturefnalausar og öruggar vörur fyrir sig og sína. Dagvöruverslanir og veitingastaðir á Norðurlöndunum hafa líka í vaxandi mæli fengið vottun og gaman væri að sjá slíka þróun hérlandis.“



Björk Baldvinsdóttir, sölu- og markaðsstjóri ISS.

SÁTT OG SAMVINNA VIÐ NÁTTÚRUNA

„Það er skylda hvers fyrirtækis að vinna í sátt og samvinnu við náttúruna,” segir Björk Baldvinsdóttir, sölu- og markaðsstjóri hjá ISS. „Svansvottun eykur hagkvæmni í rekstri og ytir einnig undir góð og ábyrg vinnubrögð. Vottunin tekur á öllum þáttum rekstrarins og heldur okkur stöðugt á tálum. Það var aldrei efi í okkar huga að innleiða Svaninn þar sem hann hefur skapað sér ótvíræðan sess sem mikilvægasta og áreiðanlegasta umhverfismerkið á Norðurlöndunum. Vottunin tryggir gæði, bæði fyrir starfsfólk og viðskiptavinum og skiptir það okkur miklu máli.“

Lífræn vín og matur

Veitingahúsið Nauthóll stendur á rómantískum stað, mitt í vinsælustu náttúruperlu Reykjavíkur. Á næstu dögum öðlast Nauthóll norræna Svansvottun og verður þar með fyrsta Svansvottaða veitingahús lýðveldisins.

Við vildum endurspegla fegurð og tærleika náttúrunnar sem umlykur Nauthól í Öskjuhlíð. Því var markmið okkar í upphafi að verða umhverfisvænt veitingahús,” segir Guðríður María Jóhannesdóttir, framkvæmdastjóri veitingahússins Nauthóls sem var opnað við Nauthólsvík fyrir þremur árum.

Hún segir veitingahús gangast undir strangt ferli og þurfa að uppfylla marga þætti til að öðlast vottun norræna Svansmerkisins.

„Við þurfum þó litlu að breyta enda höfðum við Svansvottun að leiðarljósi þegar við höfum rekstur og vorum vel búin undir að takast á við innleiðingarferlið. Ferlið gekk vel fyrir sig og mín tilfinning er að við munum eiga auðvelt með að framfylgja ferlum vottunarinnar í framhaldinu,” segir Guðríður sem er strax farin að finna fyrir stórum sparnaði í mörgum þáttum rekstursins.

„Á vínseðli bjóðum við gómsæt, lífræn vín og bjór og á matseðli ríkulegt úrval grænmetisréttar. Aðrir réttir á matseðli innihalda margir hverjir ferskt og lífrænt hráefni beint frá bónda og eggj eru til að mynda úr frjálsum og hamingjusömum hænum. Þá eru öll hreinsiefni til daglegra þrifa með Svansvottun og á Nauthóli er mjög þróað flokkunarkerfi sorps sem tryggir lágmarksáhrif á umhverfið,” útskýrir Guðríður.

Hún segir starfsfólk Nauthóls upplýst um alla ferla sem viðkoma Svansvottuninni og meðvitað um að flokka rusl samviskulega, slökkva óþörf ljós, fara sparlega með rafmagn og skrúfa fyrir rennsli undir stéttum þegar ekki er frost og snjór. Þá hjálpi til að allur tækjabúnaður var keyptur nýr og sparneyttinn.



Starfsfólk Nauthóls hefur sterka umhverfisvitund og leggst á eitt með að hlúa að náttúrunni.



Nauthóll stendur við vinsælan göngustíg í Öskjuhlíð. Þar er dásamlegt að tylla sér bæði inni og úti til að njóta sælkerafæðis og óviðjafnanlegs útsýnis í náttúruparadis borgarinnar.

„Hér leggjast allir á eitt og hafa gaman af enda góð tilfinning að hlúa að umhverfi okkar og bjóða aðeins það besta, græn-

asta og hollasta úr náttúrunni. Með Svansvottun tökum við samfélagslega ábyrgð og skref í átt að eðlilegri framtíðarþróun, ásamt sjálfsagðri skyldu gagnvart umhverfinu, starfsfólki okkar og viðskiptavinum,” segir Guðríður.

Gestir Nauthóls munu verða varir við Svansvottun á matseðli og víðar í húsinu og er von Guðríðar að Svansvottun Nauthóls verði öðrum veitingahúsum til eftirbreytni.

„Við erum stolt af því að fá virta vottun Svansmerkisins á Nauthól og hlökkum til að taka á móti gestum sem vilja njóta veitinga á umhverfisvænum veitingastað í fagurri náttúru borgarinnar,” segir Guðríður.

Nauthóll er á Nauthólsvogi 106. Heimasíða www.nautholl.is og www.facebook.com/nautholl.

Spilliefni finnast víða

Skaðleg efni leynast í mörgum vörum sem notaðar eru dagsdaglega. Smátt og smátt leka þessi efni út í umhverfið og safnast upp með slæmum afleiðingum.

Sífelld er verið að setja strangari reglur um innihald skaðlegra efna í vörum. Sum þessara efna eru nauðsynleg til að viðhalda gæðum þeirra. Efnin er að finna í mismiklum mæli í vörunum og eru misskaðleg umhverfinu.

Arsenik

Arsenik hefur verið notað til að gagnverja timbur, við framleiðslu á glervörum og í rafbúnað. Arsenikefnasambönd safnast upp í plöntum og dýrum í mismiklum mæli og geta verið mjög eitruð lífríkinu og jafnvel valdið krabba-meini. Þau eru einnig notuð í PVC-plastvörur, steinefnaáburð, tóbak og rafgeyma í bíla. Í dag er að mestu hætt að nota arsenik til að gagnverja timbur en það mun engu að síður halda áfram að leka úr gömlu timbri næstu árin.

Paraben

Paraben-efni eru meðal annars notuð sem rotvarnarefni í snyrti- og hreinsivörur, til dæmis í blautklúta og krem. Rannsóknir á dýrum hafa sýnt að paraben-efni raska hormónastarfsemi. Takmörk eru á notkun þeirra í snyrtivörum og eru Svansvottaðar vörur án slíkra efna.



Klórparaffín

Klórparaffín er samheiti efna-flokks eldtefjandi efna sem notuð eru í plast, gúmmí og textílvörur. Einnig er það notað sem mykingarefni í málningu og plast. Það brotnar hægt niður í umhverfinu og safnast fyrir í mönnum og dýrum. Það getur borist til barns með móðurmjól og haft áhrif á þroska heilans. Strangar reglur eru í gildi um leyfilegan hámarksstyrk á hluta af þessum efnum í fjölda vörutegunda.



Blý

Blý er eitruð og of mikið af því í líkamanum getur skaðað rauðu blóðkornin og tauga-kerfið. Það er sérstaklega hættulegt heilaproska fóstra og ungra barna sem og lífvera sem lifa í vatni. Það hefur verið notað í bílaraufgeyma, veiðarfæri, skotfæri, málningu, rautt og gult leirtau ásamt fleiru. Búið er að banna blý að mestu í bensíni, í blýhögglum við veiðar og rafbúnaði auk þess sem bannað er að nota einföld blýsambönd í málningu.

Úrval af vistvænum vörum hjá Olís

Vitund um vernd umhverfisins hefur aukist mikið undanfarin ár. Olís býður fjölbreytt úrval hreinlætisefna, poka og pappírs sem er vottað með merki Svansins. Fyrirtækið tekur inn nýjar vörur í línuna reglulega og býður einnig upp á námskeið í notkun þeirra fyrir fyrirtæki, stofnanir og sveitarfélög.

Olís býður upp á mikið úrval af Svansvottuðum vörum. Hreinlætisefni, hreinlætispappír, pokar og fleira. „Í Svansvottuðu línunum okkur erum við með allt sem þarf til þrifa og erum stöðugt að vinna í því að bæta inn meira og meira af vörum,“ segir Eggert Bjarnason, sölu- og þjónusturáðgjafi heildsölu- og rekstrarvörudeildar. „Við eigum núna til allt sem þarf til þess að þrifa og sinna öllum fyrirtækjum, stofnunum og sveitarfélögum. Við bjóðum upp á heildarlausnir fyrir alla þessa aðila.“

Umhverfisvænir

Eggert segir mikla aukningu vera í sölu á umhverfisvottuðum vörum. „Markaðurinn hefur kallað eftir þessum vörum í auknum mæli og við erum að bregðast við þeirri kröfu. Við getum nú boðið okkar viðskiptavinum upp á allt sem þeir þurfa hvað þetta varðar. Það eru alltaf að verða fleiri og fleiri sem eru meðvitaðir um verndun umhverfisins og því fleiri sem nota þessar vörur miðað við það sem áður var. Þessi aukna sala hjá okkur leiðir til þess að við höfum meira samstarf við erlenda birgja á þessu sviði og getum þar af leiðandi boðið upp á frábær kjör og gæði. Við erum stöðugt að leita og bæta inn hjá okkur umhverfisvottuðum vörum í öllum viðeigandi vörutegundum.

Nýjungar

Meðal nýjunga í Svanslínunni hjá Olís er sjálfvirkur sápuskammtari, Solid Allround, sem er kjörin lausn fyrir sjálfvirkar uppvottavélar í mótuneytum, stóreldhúsum, á veitingastöðum og víðar. Solid Allround er alkalískt uppvottaefni í föstu formi fyrir uppvottavélar með sjálfvirkri skömmtunarkerfi. Solid Allround vinnur mjög vel á almennum matarleifum, fitu, próteinum og kalkútfellingum. Það hentar vel til uppvotta á gleri, postulíni, plasti og ryðfríu stáli og skilar því skínandi hreinu. Efnið endist vel og sparar bæði tíma og peninga. Þetta hefur verið gríðarlega vinsælt kerfi frá því við komum með það á markað og eru sápuskammtararnir komnir upp víða um land á veitingastöðum, leikskólum, skólum, skipum og á fleiri stöðum. Þeir sem nota þetta efni segja það þrifa mjög vel og er mikil ánægja með það,“ segir



Meðal nýjunga í Svanslínunni hjá Olís er sjálfvirkur sápuskammtari, Solid Allround, sem er kjörin lausn fyrir sjálfvirkar uppvottavélar í mótuneytum, stóreldhúsum, á veitingastöðum og víðar.

Eggert. „Þetta eru létt og meðfæri-leg fimm kílóa hylki sem samsvara 22 til 27 lítrum af fljótandi uppvottalegi. Skynjari tryggir lágmarksskömmun og hámarksnýtingu. Það er mikil virkni í efninu og þar sem þetta er lokað kerfi tryggir það öruggari og þægilegri vinnuástandur. Það tekur lítið pláss og takmarkar sorp og Olís sér um uppsetningu og alla þjónustu.“

Sérfræðingar á öllum sviðum

Eggert segir marga líta á Olís þannig að þeir selji bara bensín og átti sig ekki á að þeir séu með lausnir fyrir alla sem þurfa að nota hreinlætisvörur. „Við erum með sérfræðinga á öllum sviðum, Sérfræðingar okkar aðstoða fyrirtæki við að finna hagkvæmari lausnir í þessum málum, veita alhliða ráðgjöf varðandi hreinlæti á vinnustað, gerð þrifaáætlaða, eftirlit með þrifum, val á tækjum, gæðaeftirlit og svo framvegis.

Námskeið

Við höldum námskeið í notkun hreinlætisvara fyrir fyrirtæki, stofnanir og sveitarfélög í þeim tilgangi að ná fram hagkvæmari rekstri. Með kennslunni erum við að hjálpa viðskiptavinum við að minnka efnisnotkun. Við komum því þannig fyrir að þetta sé einfalt og þægilegt fyrir alla.“

Það eru ekki einungis umhverfissjónarmið sem ráða för í kaupum á Svansvottuðum vörum þó þau leiki stórt hlutverk. „Vörurnar eru auðveldar og þægilegar í notkun. Þær eru jafnframt ekki jafn hættulegar og önnur sambærileg efni því þær eru minna ertandi. Þetta ræður oft för hjá almenningi sem kaupir þessar vörur, sérstaklega hjá fólki sem á börn,“ segir Eggert.



Eggert segir úrval Svansvottaðra vara vera fjölbreytt hjá Olís og sífellt sé verið að bæta við nýjum vörutegundum í línuna.

MYND/GVA



Fjölbreytt úrval Svansvottaðra hreinlætisvara er fánlegt í verslunum Olís.

MYND/VALLI

Þú finnur fjölda svana á rekstrarvörum okkar

PIPARTBWA - SIA - 121950



Blaðberinn bíður þín

Þú færð Blaðberann þinn í Skaftahlíð 24
alla virka daga frá kl. 9-17.

Blaðberinn...



...góðar fréttir fyrir umhverfið

Lágmarksviðleitni að flokka sorp

Vala Gísladóttir flokkar allt heimilissorp og leggur heilt herbergi á heimilinu undir það. Umhverfisverndarsjónarmið koma líka fram í innkaupum hennar og samgöngumáta og litar hennar daglega líf að miklu leyti.

Vala Gísladóttir, kennari við Kelduskóla, hefur verið meðvituð um umhverfisvernd frá unga aldri. „Ég var mjög lítil þegar ég lagði á það áherslu við foreldra mína að kaupa endurninn eldhúspappír og annað í þeim dúr og hef flokkað heimilissorp frá því ég fór að búa. Mér finnst það bara lágmarksviðleitni sem borgar- og jarðarbúi,“ segir Vala.

Með herbergi undir flokkunina

Vala segir ekki mikið mál að flokka. „Það eru grenndargámar úti um alla borg og þegar ég áttaði mig á því að þar væri ekki einungis hægt að losa pappír heldur líka plast fannst mér út í hött að henda því í almenna sorpið og er farin að flokka það líka. Þetta tekur reyndar svolítið pláss en ég bý svo vel að vera með lítið herbergi við hlið eldhússins sem ég er eiginlega búin að leggja undir flokkunina. Það var áður skrifstofuherbergi en hver þarf svoleiðis,“ segir hún og kímir. „Það ætti þó alveg að duga að koma sér upp hentugum boxum og kössum undir þetta og skrifast þetta með herbergið eiginlega á skipulagsleysi í mér,“ viðurkennir Vala.

Í herberginu flokkar hún pappír, plast, flöskur, dósir og glerkrukkur. „Krukkurnar þarf reyndar að fara með á Sorpu en ég get ekki hugsað mér að henda þeim í ruslið og sjá á eftir þeim ofan í jörðina.“

Umhverfisvæn innkaup og samgöngur

Umhverfisverndarsjónarmiðin koma líka fram í innkaupum Völu. „Ég reyni til dæmis að kaupa ekki grænmeti sem er í miklum plastumbúðum og vel umhverfisvæn þvotta- og hreinsiefni. Ég fer þó ekki bæjarenda á milli eftir slíku heldur kaupi það í næstu matvöru-búð,“ segir Vala sem er líka meðvituð um útblástur bíla og reynir yfirleitt að sækja sér þjónustu í



Vala hefur alltaf verið meðvituð um umhverfið. Hún leggur stund á hagnýta siðfræði meðfram vinnu og situr meðal annars kúrs sem ber yfirskriftina siðfræði náttúrunnar.

næsta nágreinni. „Þá líður mér best þegar ég kemst til og frá vinnu sem mest á eigin orku og reyni yfirleitt að hjóla eða taka strætó. Mér finnst voðalegt bruðl að láta heilan einkabíl bera mig eina á milli staða.“

Vinnustaðurinn umhverfisvænn

Vala er víða minnt á umhverfisvernd í leik og starfi og segir það eflaust hjálpa til. „Kelduskóli er grænfánaskóli. Þar er lögð mikil áhersla á hreyfingu og útivist. Við flokkum og erum meðvituð um umhverfi okkar. Þá tókum við þátt í Göngum í skólann og Hjól- að í vinnuna svo dæmi séu nefnd.“

Vala er sömuleiðis nemandi í hagnýtri siðfræði við Háskóla Íslands og situr kúrs sem nefnist siðfræði náttúrunnar. „Þar erum við meðal annars að fjalla um það að maðurinn er ekki konungur alheimsins heldur hluti af náttúrunni og eigum við að lifa í sátt og samlyndi við hana. Við getum ekki endalaust sett okkur í fyrsta sæti.“

Umhverfisvitundin úr uppeldinu

En hvaðan kemur þessi mikla umhverfisvitund? „Ég held að það sé uppeildi,“ segir Vala eftir nokkra umhugsun. „Ég er alin upp við mikla hófsemi. Þá eru foreldrar mínir mikið ferða- og göngufólk og hafa alltaf verið í jákvæðum tengslum við náttúruna.“

Ég reyni að láta þetta ganga áfram til sona minna og held ég að það hafi tekist ágætlega. Það myndi að minnsta kosti aldrei hvarfla að þeim að henda plastflösku í ruslið.“

Moltugerð næst á dagskrá

En ætlar þú lengra með flokkunina? „Já, mig langar að setja upp moltu til að flokka lífræna úrganginn. Það er lítið mál fyrir fólk sem er með stóran garð en ég hef ekki enn þá fundið hvernig ég á að leysa það hjá mér. Þetta hefur því aðeins setið á hakanum og ég er með þínu samviskubit yfir því. Ég reyni því bara að borða alla matar- afganga,“ segir Vala í gríni. „Borða bananahýði, eplakjarna og mixa kartöfluhýði út í salatið.“



Áratuga reynsla segir allt!

Persónuleg þjónusta alla leið!

Göngum hreint til verks!



Prentsmiðjan fékk svansvottun árið 2000

GUDJÓNÓ
VISTVÆN PRENTSMIÐJA
www.gudjono.is · sími 511 1234

Traustur vinur umhverfis og húðar

Dönsku hreinlætisvörurnar frá Neutral hafa slegið í gegn á meðal Íslendinga sem velja gæði fyrir sjálfa sig og heimilið og vilja umgangast náttúruna af virðingu. Allar vörur Neutral eru lausar við ilm-, litar- og skaðleg aukefni. Langstærstur hluti Neutral-línunnar er með vottun norræna Svansmerkisins. Því er auðvelt fyrir neytendur að leggja sitt af mörkum í umhverfisvernd.

Neutral slær tvær flugur í einu höggi og fer vel með bæði húðina og umhverfið,“ segir Guðrún Húnfjörð, vörumerkjastjóri hjá Nathan & Olsen. Fyrirtækið flytur inn umhverfisvænar hreinlætis- og húðvörur frá Neutral sem Íslendingum eru að góðu kunnar. „Neutral-vörurnar hafa algjöra sérstöðu þegar kemur að gæðum og virkni um leið og þær eru sérlega mildar og grænar,“ segir Guðrún.

Vörulína Neutral er bæði fyrir heimili og húð allrar fjölskyldunnar og þróuð í samvinnu við Astma- og ofnæmissamtök Danmerkur. „Langstærstur hluti Neutral-línunnar ber norræna Svansmerkið. Það auðveldar viðskiptavinum að hugsa vel um umhverfið án þess að slá af kröfum sínum um gæði, virkni og vel líðan,“ segir Guðrún. Allar vörur Neutral eru lausar við ilm- og litarefni og skaðleg aukefni. Húð- og snyrtivörur Neutral eru einnig án parabena. „Neutral Compact-þvottaefnin

hafa vottun norræna Svansmerkisins til staðfestingar á því að þau uppfylli kröfur yfirvalda um umhverfisvænar vörur. Neytendur geta því auðveldlega lagt sitt af mörkum til að hlífa umhverfinu með því að skammta rétt í þvotta vélina, þvo við lágt hitastig og nota umhverfisvæn þvottaefni,“ útskýrir Guðrún. „Neutral vinnur daglega að því að gera vörur sínar eins umhverfisvænar og hægt er án þess að slaka á aðalkröfunum sem eru að vörurnar eiga að vera ofnæmisvænar og gæðin áreiðanleg.“ Á dögunum opnaði heimasíðan www.neutral.is. Hún inniheldur ítarlegar upplýsingar um Neutral-vörurnar ásamt góðum ráðum um ofnæmi. Þess má geta að Astma- og ofnæmisfélagið á Íslandi mælir með vörum frá Neutral.

„Neutral er danskt merki og þar í landi númer eitt á öllum sviðum. Umhverfisvitund Íslendinga fer sömuleiðis ört vaxandi og æ fleiri sem velja Neutral, sjálfs síns og náttúrunnar vegna.“

Vörulína Neutral er stór. Margir þekkja þvottaefnið, handsápuna og sturtusápuna af góðu einu en þar með er úrvalið hvergi tæmt. Neutral inniheldur einnig uppþvottalög, mýkingarefni, svitalyktareyði, sjampólínu, húðmjólk, handáburð, ungbarnalínu, krakkalínu og andlitslínu.



Guðrún Húnfjörð er vörumerkjastjóri Nathan & Olsen.



Neutral kynnti nýlega Svansmerktu andlitslínu sem gefur húðinni allt sem hún þarfnast – og ekkert annað! Öll línan er algjörlega án ilmefna, litarefna og parabena.

Fleiri flokka og skila

Fjöldi þeirra sem flokkar og skilar sorpi virðist vera að aukast sem og meðvitund um umhverfið. Starfsfólk Sorpu leggur sig fram við að auðvelda fólki umhverfisverndina, grenndargámar eru til dæmis staðsettir í alfaraleið.

Umræða um umhverfisvernd og meðvitund almennings um málefnið hefur aukist undanfarin ár. Sala á umhverfisvottuðum vörum hefur aukist og flokkun á sorpi hefur færst í aukana. Karen H. Kristjánsdóttir, markaðsfulltrúi hjá Sorpu, segir starfsfólk þar finna fyrir þessari aukningu þó ekki séu til neinar tölur sem eru fastar í hendi sem sýna fram á þetta. „Við hjá Sorpu finnum mest fyrir því þegar breytingar verða á kaupmætti. Árið 2007 var mjög mikill úrgangur af því neyslan var svo mikil. Eftir að kreppan skall á hefur dregið úr úrgangi en það er erfitt að segja til um hvort það sé vegna þess að fólk sé að kaupa minna eða hvort flokkun sé að aukast. Það er þó ýmislegt sem bendir til þess að það sé vegna aukinnar flokkunar því samkvæmt þjónustukönnunum sem við höfum gert í gegnum árin fer fjöldi þeirra sem segjast flokka og skila vaxandi. Hlutfall þeirra sem endurvinnna heima hjá sér er alltaf að hækka en það gerist hægt og bítandi samkvæmt þessum þjónustukönnunum.“ Mörgum vex það ef til vill í augum að flokka sorp en starfsfólk Sorpu leggur sig fram um að auðvelda fólki umhverfisverndina.



Auðvelt er að flokka sorp í helstu endurnýtanlegu flokkana, pappír, plast, gler og skilagjaldsskyldar umbúðir.

„Grenndargámar eru nú úti um allt. Þeir eru staðsettir í alfaraleið, oft hjá matvöruverslunum og leikskólum. Það er auðvelt að flokka í þessa helstu flokka, pappír, plast, skilagjaldsskyldar umbúðir og gler. Það þarf ekki lengur að flokka málma, starfsfólk Sorpu getur nú tekið þá úr almenna sorpinu. Gott er að venja sig

á að fara á endurvinnslustöðvar reglulega með dósir og gler. Íbúar í Kópavogi og Garðabæ eru nú allir komnir með bláar tunnur fyrir utan hjá sér þar sem þeir geta sett allan pappír í og svona má áfram telja hvað fólk getur gert til að endurnýta. Oft gerir fólk sér ekki grein fyrir hversu lítið mál þetta er,“ segir Karen.



Útiloka þurfti allar einnota vörur, svo sem sápu og sjampóbrúsa við Svansvottun Grand hótels og því sápu- og sjampóskammtar á herbergjum.

Fyrsta Svansvottaða hótelið

Miklar breytingar á starfsemi fyrirtækja geta fylgt því ferli sem þarf til að fá Svansvottun. Grand Hótel hefur nýlega gengið í gegnum slíkar breytingar.

Grand Hótel Reykjavík hefur hlotið Svansvottun og var það fyrsta stóra hótelið á landinu til að hljóta vottunina. „Umhverfismál eru okkur mikilvæg og við náðum mjög góðum árangri á skömmum tíma þar sem við innleiddum vinnureglur Svansvottunarinnar á um það bil hálfu ári,“ segir Gylfi Freyr Guðmundsson, aðstoðarhótelstjóri Grand Hótels. „Stærstu breytingarnar sem

hafa bein áhrif á okkur og gesti okkar eru flokkun sorps, útilokun einnota vöru og hvatning birgja til að finna umhverfisvottaðar vörur fyrir okkur. Það sem hefur verið erfiðast við þetta er að rata í gegnum þann frumskóg vottana sem til eru á markaðnum. Þess vegna er Svansvottunin svo mikilvæg því þar eru engin vafaatriði, allt er rýnt í þaula og það sem reynist ekki rétt er hægt að forðast.“

VEIST ÞÚ HVAÐ SVANSMERKIÐ ER OG HVAÐA ÞÝÐINGU ÞAÐ HEFUR?



Hákon Jónsson.
„Nei.“



Erla Söldís.
„Já, það er umhverfismerki.“



Bára Mjöll Franksdóttir.
„Er það ekki svona umhverfismerki, þetta græna, sem segir til um hvort umbúðir séu vistvænar.“



Kjartan Þórisson.
„Nei.“



Ernir Eyjólfsson.
„Já, það er umhverfisstaðall. Þannig fyrirtæki þurfa að fylgja ákveðnum reglugerðum.“

MIKIÐ TRAUST TIL SVANSINS Á NORÐURLÖNDUM

Umhverfismerkið Svanurinn var stofnað árið 1989 af neytendanefnd Norrænu ráðherranefndarinnar en frá árinu 2006 hefur umhverfisnefndin haft málið á sinni könnu. Finnar, Íslendingar, Norðmenn og Svíar hafa tekið þátt í samstarfinu um Svansmerkið frá byrjun en Danir hófu notkun þess árið 1998. Framlag Norrænu ráðherranefndarinnar til Norrænu umhverfismerkinganefndarinnar (NMN) árið 2011 var um fjórar milljónir danskra króna.

NMN mótar sameiginlega stefnu um hvaða vörflokkar mega merkja með Svaninum og hvaða skilyrði varan þurfi að uppfylla. Norrænir sérfræðingahópar gera tillögur að skilyrðum og umhverfismerkjaráðin í hverju landi fyrir sig fjalla um leyfisumsóknir og gefa út leyfi. Í Danmörku og á Íslandi bera umhverfisráðuneytin ábyrgð á umhverfismerkingum en í hinum þremur norrænu

ríkjunum fellur Svansmerkið undir neytendamál. Framtíðarsýn norrænna umhverfisráðherra er að Svanurinn verði þekktur sem eitt skilvirkasta valfrjálsa verkfæri á umhverfissviði árið 2015. Staða Svansins er sterk vegna mikils trúverðugleika. Fyrir fyrirtæki er Svanurinn eftirsóknarverður og traustur máti til að nýta sér umhverfismál til að styrkja samkeppnishæfni sína og hann er sjálfsagður valkostur fyrir neytendur sem gera strangar kröfur til umhverfisþátta og gæða. Neytendum er ljóst að viðmið Svansins fela í sér strangar kröfur í loftslagsmálum ásamt skrásetningu á erlendum Svansmerktum vörum. Kröfur Svansins eru strangar og Svansmerkið er þannig trygging fyrir því að um sé að ræða vandaða vöru eða þjónustu.



Við erum í Svansmerkinu -fyrir framtíðina

Libero®